



## **MAEWO KOMUNITI INFOMESEN – Novemba 2 - 9 2018**

### **1. Ol evakuesen senta/yumi pripea from saeklon**

- Blong sapotem NDMO, Shelter Cluster i stap mekem wan evakuesen senta sevei blong faenemaot ol bilding we ol pipol blong Ambae mo Maewo oli save yusum olsem ol 'sef haus' long taem blong wan saeklon.
- Shelter Cluster bae i no long taem i mekem wan teknikol stadi blong mekem ol 'sef haus' i moa strong, meinwan ol skul mo ol komiuniti hol.
- Long ol eria we i nogat ol evakuesen senta o ol sef haus, NDMO wetem sapot blong ol jif blong Maewo bae i askem ol komiuniti blong wok tugeta blong bildim ol tredisenal sef haus.

### **2. Community based shelter assistance**

- Shelter Cluster bae i trenem ol Shelter Focal Point long wanwan komiuniti we bae oli stap blong givim sapot long ol komiuniti aktiviti. Shelter Focal Point bae hemi wan komiuniti memba we hemi gat sam skill long saed blong bilding konstraksen mo bae ol komiuniti mo ol CDCCC (Community Disaster and Climate Change Committees) nao bae oli jusum hem.
- Wanwan haoshol bae i risivim wan Haushol Shelter Kit we ol Shelter Focal Point bae oli seremaot i go long ol haoshol we oli nidim moa, mo evri 20 haoshol bae i kasem wan Komiuniti Tul Kit.

### **3. Movement to second homes**

- Wan agrimen bitwin ol jif blong Maewo mo gavman we State Law Office (SLO) i stap draftem naoia i givim raet long ol pipol blong Ambae blong save mov i go long ol graon blong sekon hom mo bildim ol haus blong olgeta. Ol Jif blong Maewo i bin mekem ol kastom seremoni ova long olgeta eria ia finis we i minim se ol eria ia nao bae ol pipol i mov i go long hem festaem: Naruru, Loloruku, Sunasom mo Tanrogo.
- Ol komiuniti bae oli lukluk long olsem wanem nao bae oli seremaot ol plot blong graon i go long wanwan haoshol, wetem sapot blong gavman.
- Taem we ol pipol i mov i go insaed long ol sekon hom, gavman bae i shud statem recovery plan blong hem we i inludem ol impotem sevis olsem wota mo ol smol projekt blong kasem mane.
- Lands survey i stap long Maewo long wik ia blong mekem survey long ol graon blong sekon hom. Afta long hemia bae ol komiuniti i kliarem graon mo bildim ol tredisonal 'sef haus', bifo ol pipol i save stat blong bildim ol hom blong olgeta.

### **4. Aktiviti blong Ambae volkeno hemi kontiniu blong jens**

- Aktiviti blong Ambae volkeno hemi kontiniu blong jenis.
- Wan tim blong Vanuatu Meteorology and Geohazards Department (VMGD) bae i travel i go long Ambae nekis wik blong mekem wan 'sefti mo situesen asesmen'.

#### **5. Yu mas talemaot eni muvmen aut o ikam long Maewo long EOC**

- Eniwan we i wandem aut long Maewo o i wandem kam long Maewo, i mas talemaot long EOC blong mekem se EOC i rikodem.

#### **6. Oxfam Cash Transfer Program**

- Cash Transfer Program hemi wan faenansiol asistens program blong ol haoshol we Oxfam nao i stap manejem. Program hemi blong 3 manis nomo.
- Oxfam i stap wok blong komplitim ol rejistresen naoia.
- Ol pipol we i muvaot long Ambae mo stap long Sanma naoia, mo ol host komiuniti, olgeta nao bae i karem asistens ia festaem. Bifo long en blong 2018, ol pipol blong Ambae we i muvaot long Ambae mo stap long Maewo bae oli shud kasem asistens ia. Asistens ia hemi blong sam host komiuniti tu.
- Mani bae i kam olsem wan bank cheque o wan voucher o tru long wan narafala sistem blong cash transfer

#### **7. Cash For Work**

- Cash for Work hemi wan program blong Save the Children Australia (SCA) mo hemi blong tugeta ol pipol blong Ambae mo ol host komuniti.
- Cash for Work i bin stat wetem ol komuniti long north mo bae i kasem ol narafala komuniti ino longtaem.
- Hemi blong givhan long ol famli blong save kasem smol mane tru long ol wok aktiviti.
- Hemi involvem tu wok blong kliarem ol graon blong sekon hom.
- Hemi impoten blong ol komiuniti i wok tugeta blong givhan blong bildim ol tredisenal 'sef haus' mo ol sekon hom, mo hemia bae i no involvem Cash for Work.

#### **8. Food Basket**

- Food Basket hemi blong mekem sua se o pipol oli kakae ol helti kakae.
- Wok long food basket i no blong pem from kakae hemi blong ol pipol blong Ambae.
- Distribiuseren blong fes kakae blong Food Basket i stap gohed finis mo bae i kasem evri komiuniti blong Maewo.

#### **9. Saplai blong kakae**

- Nekis distribiuseren blong kakae bae i tekem ples long Novemba
- Ol komiuniti oli mas manejem gud ol kakae blong olgeta blong mekem se oli no sot long kakae.
- Yu mas ripotem eni isyu long saed blong kakae long NDMO.

#### **10. Infomesen long ol komiuniti**

- NDMO i stap wok blong divelopem wan 'Complaints mo Feedback mechanism' we i save alaoem blong infomesen blong gavman i kasem daon

long komuniti mo ol komplem mo tingting blong komuniti i save kasem gavman kwiktaem blong mekem se gavman i save rispon long ol isyu.

- Wan 'komuniti engejmen plan' we bae i gat insaed ol komuniti aktiviti blong NDMO mo ol cluster bae i go aut long evri komuniti ino longtaem.

### **11. Malaria**

- Folem ol kes blong Malaria long Maewo, wan tim blong Helt dipatmen i stap naoia long Maewo blong tritim ol ples blong moskito.
- Ol komiunti i mas lukaot gud olgeta